

UKUPHUNYEZWA KWEMIQATHANGO YAMANZI EKUMGANGATHO 5

UMasipala waseSwartland uye wagunyazisa imiqathango yamanzi ekumgangatho 5, ukususela nge--1 Novemba 2017 de kubuye kuchazwe.



IMIQATHANGO ESEBENZA KUBO BONKE ABATHENGI

- Bonke abasebenzisa amanzi kulindeleke ukuba **bangasebenzisi ngaphezu kwelitha ezingama-60** zamanzi kamasipala okusela mntu ngamnye ngosuku enoba usekhaya, emsebenzini okanye kwenye indawo.
- Akuvumelekanga ukunkcenkceshela ngamanzi okusela kamasipala. Oku kuquka ukunkcenkceshela iibhedi zeentyatyambo, iiloni, imifuno, izilimo, ezinye izityalo, amabala ezemidlalo, amabala egalufa, izikolo, amaziko ezemfundo, iindawo zokukhulisa iintyatyambo, iipaki nezinye iindawo. Iindawo zokukhulisa iintyatyambo nabathengi ababandakanyeke kwezolimo okanye abanemiyezo yembali banokufaka isicelo sokubekelwa bucala.
- Zonke iipropati apho kusetyenziswa imithombo yamanzi engekho lula (umz. ukuqokelelwa kwamanzi emvula, ukusebenzisa kwakhona amanzi, amanzi abenokungcola aza acocwa, amanzi omthombo, amaqula nalawo aphantsi komhlaba), zimele zibonise imiqondiso yoku ngokucacileyo kwiindawo ezibonwa nguwonkewonke. Abasebenzisi bale mithombo bangancenkceshela kuphela ngaphambi kuka-08:00 nasemva kuka-18:00 kangangeyure enye, kodwa bakhuthazwa kakhulu ukuba bangancenkcesheli kwisithuba seentsuku ezisixhenxe emva kwemvula eye yanetha ngokwaneleyo.
- Xa kuboniswe imiqondiso ethi imithombo isetyenziselwa injongo yokuncenkceshela, abanimzi kulindeleke ukuba bayibhalise loo mithombo namanzi ayo (ukuba ayaziwa) kwaMasipala.
- Akuvumelekanga kuhanjwe okanye kutshizwe ngethumbu iindonga eziqinileyo, amaphahla okanye iindawo ezineepavumente ngamanzi okusela kamasipala. Abasebenzisi abafana neendawo zokuxhela, imizi-mveliso yokutya, iindawo zokunyamekela, iindawo ezigcina izilwanyana neminye imizi-mveliso namaziko aneemfuno ezikhethekileyo anokucela ukuyekwa.
- Akuvumelekanga ukuzalisa (ngethumbu okanye ngokuzenzekelayo) kwamaqula okuqubha ngamanzi kamasipala okusela enoba anento yokugquma iqula. Oku kuquka ukuzalisa amaqula amatsha okanye ukuzalisa iqula elikhoyo emva kokulilungisa. Oku kubhekisela kuwo onke amaqula kuquka amaqula kawonke wonke namaqula amaqela, amashishini namanye amaziko.
- Akuvumelekanga ukusetyenziswa kwamanzi afumaneka kwimithombo eyenziwe ngumasipala ngenjongo yokupholisa uphahla.
- Akuvumelekanga ukusetyenziswa kwamanzi okusela kamasipala kwiqula lokuhombisa okanye kwenye into efuna amanzi.
- Abasebenzisi bakhuthazwa ukuba bagungxule ithoyilethi (basebenzisa ibhakethi) ngamanzi asebenzileyo, amanzi emvula okanye amanye amanzi angaselwayo.

IMIQATHANGO ESEBENZA KUBATHENGI ABAKWIINDAWO ZOKUHLALA

- Iindawo zokuhlala ezimi zodwa (amakhaya awodwa) asebenzisa ngaphezu kweelitha ezingama-20 000 ngenyanga aya kudliwa imali – Bona AMANQAKU ngezantsi ukuze ubone imali eya kudliwa.
- Izindlu ezidibeneyo (umz. iiflethi nezindlu ezikwiyadi enye) ezisebenzisa ngaphezu kweelitha ezingama-20 000 ndlu nganye ngenyanga ziya kudliwa imali.
- Akuvumelekanga ukuhlamba iimoto, iitreyila, iikharavani okanye amaphenyane ngamanzi okusela kamasipala. Ezi zinto zimele zihlanjwe ngamanzi angengawo awokusela okanye ngeemveliso ezingasebenzisi manzi okanye ngeenkqubo zokucoca ezisebenzisa umphunga.
- Akuvumelekanga ukusetyenziswa kwamaqula aphantsi okanye nawaphi na amaqula okudlala okanye izinto zokutyibiliza ezivuthelwayo.
- Abathengi bacetyiswa ngamandla ukuba bafakele iinxalenye ezonga amanzi, izifakelwa nobugcisa boko ukunciphisa ukusetyenziswa kwamanzi kuzo zonke iitepu, iishawa nezinye iikomponenti zemibhobho yamanzi.

IMIQATHANGO ESEBENZA KUBATHENGI ABANGEKHO KWIINDAWO ZOKUHLALA

- Akuvumelekanga ukusebenzisa amanzi okusela kamasipala ngenjongo zolimo, umz. ukuncenkceshela izityalo okanye ukuseza imfuyo. Bonke bawasebenzisela injongo zolimo amanzi kamasipala neenjongo zasendlini bamele baqinisekise ukuba amanzi abawasebenzisa ngenyanga bawanciphisa nge-40% xa kuthelekiswa nonyaka odluleyo.
- Akuvumelekanga ukuhlamba iimoto (kuquka iiteksi), iitreyila, iikharavani okanye amaphenyane ngamanzi okusela kamasipala. Iimoto, iitreyila, iikharavani namaphenyane amele ahlanjwe ngamanzi angengawo awokusela okanye ngeemveliso ezingasebenzisi manzi okanye ngeenkqubo zokucoca ezisebenzisa umphunga. Oku kubhekisela ekuhlambeni okucwangcisiweyo nokungacwangcisiwanga.
- Ukusetyenziswa kweziciko zamaqula ezifakelweyo kumaqula kawonkewonke kukhuthazwa ngamandla xa kunokwenzeka.
- Azivumelekanga iinkqubo zokuzalisa ezizenzekelayo kumaqula okuqubha.
- Azivumelekanga iinkqubo zeepaki zokutshiza.
- Abathengi/amaziko bamele bafakele iinxalenye ezonga amanzi, izifakelwa nobugcisa boko ukunciphisa ukusetyenziswa kwamanzi kuzo zonke iitepu, iishawa nezinye iikomponenti zemibhobho yamanzi kwiindawo zikawonkewonke.
- Amabala egalufa, iindawo zemidlalo, iipaki, izikolo namaziko emfundo akuvumelekanga ukwenza nawaphi na amabala ahonjisiweyo okanye awemidlalo, ngaphandle kokuba ankcenkceshelwa kuphela ngamanzi angengawo awokusela.
- Kubasebenzisi abanikwa amanzi ngokuvumelana nekontrakti ekhethekileyo (umz. iindawo ezikhethekileyo okanye abanikezeli beenkonzo zamanzi) imiqathango yekonstrakti imele isebenze.

AMANQAKU:

- (1) Ukusilela ukuthobela nasiphi na kwizithintelo kulityala ngokuvumelana noMthetho-sihlomelo kaMasipala onxulumene nokuZiswa kwaManzi, iiNkonzo zoGutyulo lweLindle noKungcola kweMizi-mveliso ka-2014. Umtyholwa kuya kufuneka ahlawule imali yokuvuma ityala eyi-R2 000,00 kunye/okanye, ngokuvumelana necandelo 69(3), nokufakelwa kwemitha yamanzi eyi-*Aqualoc* okanye nasiphi na isixhobo sokulawula (esilawula ukusetyenziswa kwamanzi kwemihla ngemihla) kwimizi engathobeliyo. Ezo ndleko ziya kutsalwa kumnini we-akhawunti ofanelekileyo. Abathengi abanezizathu ezivakalayo zokusebenzisa amanzi amaninzi kufuneka banike uMasipala isikhuthazo esisiso sokuthethelela ukusebenzisa kwabo amanzi amaninzi.
- (2) Konke ukuyekwa okwenziwa ngaphantsi komgangatho 4 kuyamiswa ngokukhawuleza yaye ukufaka isicelo kwakhona kusenokungaqwalaselwa ngaphandle kokuba kuchaziwe ngasentla.
- (3) Uxinzelelo lwamanzi nomlinganiselo wokuphuma kwawo lunokuhliswa ukuya kutsho ngaphantsi kwemiqathango esebenzayo okanye iimfuneko ezilindelekileyo ukuthintela ukuvuza kwamanzi, yaye kunokubangela ukuba amane ephela.

IINDLEKO EZINYUKILEYO

Ezi ntlawulo zilandelayo zifanele zikhutshwe ngokuvumelana nabathengi abahlala ezindlwini, kummandla kamasipala waseSwartland ukususela kwixesha leakhawunti kwiinkonzo ezinikwe abathengi ebudeni bukaNovemba 2017 eziza kuhlawulwa nge-30 November 2017:

	Intlawulo ngeyunithi (ikilolitha)
0 ukuya 4 kl	R6,30 kunye neVAT
5 ukuya 10 kl	R17,51 kunye neVAT
11 ukuya 15 kl	R19.37 kunye neVAT
16 ukuya 20 kl	R55.00 kunye neVAT
21 ukuya 25 kl	R72.00 kunye neVAT
26 ukuya 50 kl	R99.99 kunye neVAT
51 kl nangaphezulu	R265.12 kunye neVAT

Ngokuphathelele amashishini oku kulandelayo kuya kusebenza:

I-R25,00 idibene neVAT iza kutsalwa kwikhilolitha yokuqala yamanzi esetyenzisiweyo

ISICELO SOKUYEKWA

Abathengi abaneemfuno ezikhethekileyo banokucela ukuyekwa bangalawulwa yimiqathango yamanzi evela kuMlawuli; liNkonzo zoBambiswano. Tyelela iwebhsayithi yethu (www.swartland.org.za) ukuze ubone ifomu yesicelo.

J J SCHOLTZ
IMANEJA KAMASIPALA

Oktober 2017

Ukuze ufumane uhlelo lwesiBhulu nolwesiXhosa, tyelela iwebhsayithi yethu ethi www.swartland.org.za.

Xela inkcitho ku-022 487 9400 okanye ku-022 487 9411 okanye usithumelele i-imeyili ku- swartlandmun@swartland.org.za.

Ukuze ubhalise imithombo, tsalela ku-022 487 9400 (u-Esmari Steenkamp).

Nceda ngokukhawuleza:

- ✓ **Nciphisa ukusebenzisa kwakho amanzi kube ngaphantsi kweelitha ezi-60 kumntu ngamnye ngosuku**
- ✓ **Sebenzisa amanzi okusela kamasipala kuphela xa kuyimfuneko ukuhlamba, ukupheka nokusela, yaye wasebenzise endlini kuphela**
- ✓ **Khangela uze ulungise ukuvuza kwipropati yakho**
- ✓ **Nciphisa ukusetyenziswa kwamanzi ekhaya kube ngaphantsi kweekhilolitha ezi-20 ngenyanga**

